

乾

隆

鄞

縣

志

鄞縣志卷一

建置沿革

鄞之名見於春秋外傳至漢而建縣然鄞之故城不在縣境也鄞故城在縣境矣而縣之西南鄉不皆鄞地也今縣境實兼有鄞鄮句章三縣之地故有句章鄉又有鄞塘鄉晉末移句章治小溪而句章城亦在縣境隋廢鄞鄮入句章而城仍其舊唐復立鄞縣卽治故句章城非漢之鄞城也或據唐志稱東錢湖爲西湖疑唐之鄞城卽漢故城然志稱在縣東二十五里則西湖之名其來已久未可據湖以定城也唐之鄞縣兼有今鎮海地五代錢

氏始分置定海宋又分立昌國縣今之幅員蓋因  
宋制也辨方輿者必兼論分野而形勝風俗亦以  
次敘列焉

虞夏

禹貢揚州之域

方輿  
勝覽

案乾道圖經序云明郡在古為餘姚之墟其說本  
於太平寰宇記然餘姚乃地名非國名何從定其  
疆域近志又謂夏禹時為董子國於古亦無可考  
今皆不取

周

揚州地春秋時越甬東地

皇  
輿表

句章鄞為越舊名國語曰句踐之地東至於鄞又曰其  
達至於甬句東韋昭曰今句章東澱口外洲越語注曰

甬甬江句句章也

延祐四  
明志

案左傳越滅吳請使吳王居甬東杜預注會稽句  
章縣東海中洲也韋昭注國語以句章東浹口外  
洲當之浹口今為鎮海縣地則浹口外洲即翁洲  
矣而史記集解引賈逵說甬東越東鄙甬江東也  
小司馬索隱云甬句東越地今鄞縣即是其處然  
則甬江之名自古有之今人以城東為甬東非無  
稽也

秦

會稽郡地

皇  
興表

始皇二十五年以吳越地為會稽郡

會稽  
典錄

車茂安言秦始皇留鄞縣三十餘日則鄞立縣由秦來

鄞縣志

卷一

建置沿革

一

舊矣

延祐四  
明志

案始皇畱鄞縣語見陸士龍與車茂安書非茂安

語延祐志偶誤

漢

會稽郡

句章

鄞

鄞

漢書地  
理志

鄞以堇得名加邑為鄞鄞易也亦加邑焉輿地志曰邑

人以其海中物產於山下貿易因名鄞縣延祐志

案今縣名雖因於漢然漢之鄞城在今奉化境內

而古鄞城乃在縣東三十里府志沿革以鄞屬本

縣鄞屬奉化句章屬慈谿但據故城所在言之其

實今縣境兼有漢鄞句章之地縣之東鄉為鄞

地南鄉為鄞地西鄉為句章地未可專舉一縣茲

遵

皇輿表更正之

元鼎五年除東越立東部都尉後徙章安陽朔元年又

徙治鄞或有寇害復徙句章會稽典錄

會稽東部都尉前漢治鄞宋書州郡志

王莽改鄞曰謹鄞曰海治漢書地理志

後漢 會稽郡 鄞 句章 鄞續漢書郡國志

案後漢永建四年分會稽為吳郡鄞鄞句章仍屬

會稽三國孫吳又分會稽為臨海東陽二郡而鄞

鄞句章之隸會稽如故自晉至梁陳皆因之

晉 會稽郡 句章 鄞晉書地理志

鄞縣志 卷一 建置沿革

隆安四年劉牢之擊孫恩東屯上虞使劉裕戍句章既

而裕改築城於小溪鎮

方輿紀要

案漢句章故城在慈谿縣之城山渡至是移治小

溪今小溪鄉名句章蓋以此自宋齊訖梁陳句章

皆治小溪隋并三縣入句章縣治仍在小溪

宋 會稽太守 句章 鄞 宋書州郡志

齊 會稽郡 鄞 句章 鄞 南齊書州郡志

梁陳 鄞 鄞 句章 三縣並屬會稽郡 皇表

隋 平陳併餘姚鄞鄞三縣入句章 隋書地理志

縣隸吳州後改越州仍隸焉 延祐志

唐 武德四年析故句章縣置鄞州八年州廢更置鄞縣

隸越州

唐書地理志

案唐初立鄞州屬越州總管府武德七年改總管爲都督府仍以鄞爲屬州次年州廢爲鄞縣此鄞州廢置本末見於新舊二史者也考隋併餘姚鄞鄞入句章唐初廢句章縣以其地分置姚鄞二州州必有所領之縣姚州領餘姚縣而鄞州之縣無聞焉史文闕佚不可得而詳矣

又案唐初鄞州新舊史及寰宇記皆不言其治所嘉靖志謂在小溪李曹二志謂在三江口卽今府城外地晉劉牢之所築未審誰是至武德八年廢州爲鄞縣縣治仍當在小溪考元和郡縣志云鄞



縣隋省入句章武德八年再置仍移理句章城句章城卽小溪城也然則唐初之鄞縣與漢之鄞縣名同而實異李志云徙治育玉山故鄞城特以意度之不若元和志之可據

開元二十六年採訪使齊澣奏以越州之鄞縣置明州

以境有四明山爲名

唐書地理志

奉化慈溪翁山三縣皆鄞縣地開元二十六年析置

唐書

唐書地理志

案唐初鄞縣境甚廣兼兩漢鄞鄞句章三縣之地至是始析而四之自漢以來縣常隸會稽明越之分亦始於此

又案元和郡縣志明州管縣四而鄧爲郭下縣又云句章故城在今州西一里然則州縣治皆在小溪也

天寶元年改爲餘姚郡乾元元年復爲明州

舊唐書地理志

案天寶初改州爲郡以餘姚爲郡名而餘姚縣仍隸越州永樂紹興志謂餘姚隸明州未審何据又案通鑑唐肅宗至德二載十二月詔近所改郡名官名一依故事其明年卽乾元元年也諸州承奉詔書當在次年之春故史稱乾元元年而延祐志云至德二年則以頒詔之日言之也

大歷六年省翁山縣

唐書地理志

是年移鄧治於三江口

曹志

案乾道圖經云大歷六年三月海寇袁晁作亂於翁山而鄧久弗能復乃移治鄞鄞東取鄧城財三十里此鄧縣徙治今城之始也今考通鑑代宗寶應元年十月袁晁陷明州廣德元年四月李光弼奏擒袁晁浙東皆平又閱四年始改元大歷大歷六年距晁就擒已逾十載矣鄧爲附郭之縣豈有久未能復之理圖經所言殆非其實矣當時縣治之移實以三江口據江海之衝爲善後之備非因故城未復而別立治也諸志皆踵圖經之譌茲特援正史駁正之

長慶元年浙東觀察使薛戎上言明州北臨鄞江地形卑隘今請却移郡於鄞縣置其元郡城近高處却安縣

從之 太平寰宇記

案新舊唐志俱不載移治事惟舊本紀書長慶元

年三月丁酉朔浙東奏移明州於鄞縣

五代 錢鏐以明州為節鎮置望海軍尋置望海縣梁開

平三年也未幾改縣為定海鄞縣亦改為鄞 延祐志

案五代史職方考不載改鄞為鄞事曹秉仁府志

謂避梁祖諱茂改鄞為鄞理或然也

宋 建隆元年升州為奉國軍授錢億為節度使 延祐志

案宋時州有四等曰節度曰防禦曰團練曰刺史

亦稱奉國者節度軍額非改州爲軍也

又案元豐九域志明州梁置望海軍建隆二年改奉國軍則明州爲節鎮由來已久宋初但改軍名耳

太平興國二年吳越納土自是始用文臣爲知州

延祐志

明州餘姚郡理鄞縣

太平寰宇記

案宋時諸州又有郡名以爲封爵之號寰宇記明州爲餘姚郡蓋沿唐舊名九域志則云奉化郡未詳何時所改

又案唐長慶初移明州於鄞縣以州舊城近南置縣則州與縣各治一城矣此云州理鄞縣則宋初

鄞已爲倚郭未詳何時移併前志亦未之及大約  
唐季所移也

熙寧六年析鄞東之海中洲富都等三鄉剏立昌國縣  
而明之屬縣凡六矣

延祐志

案鄞縣四至疆域蓋定於熙寧之世元明以來無  
所更易

又案唐宋之制縣有赤畿緊望上中下七等鄞在  
唐爲上縣宋升爲望縣

紹興三年明州置沿海制置使

延祐志

案紹興初置制置使以郭仲荀爲之八年以浙東  
安撫使兼制司十一年罷隆興元年復置自後文

臣知州常帶沿海制置使資淺者或稱主管沿海制置司公事寶祐中吳潛以故相判慶元府授制置大使蓋異數也

紹熙五年十一月升明州為慶元府

宋史寧宗紀

寧宗在藩邸領明州觀察使即位改元慶元升州為府

因以名之

延祐志

元至元十四年改為慶元路總管府領縣四

鄞倚郭

元史地理志

案元時縣有上中下三等鄞為上縣

大德七年立浙東都元帥府即舊府治為之

延祐志

明太祖吳元年十二月改慶元路為明州府洪武十四

年二月改寧波府領縣五 鄞 倚 明史地理志

國朝 寧波府領縣六 鄞縣附郭 皇 輿表

星野

星紀吳越也 周禮注

星紀斗牽牛也 爾雅

吳地斗分壑也 粵字 地牽牛婺女之分壑也 漢書地理志

慶元府星紀之次牽牛婺女之分野 方輿勝覽

寧波府牛女之分 清類天文分野之書

寧波牛女分野 明一統志

牛三度鄞縣入七分之六 內緯秘言

案春秋傳昭三十二年吳伐越史墨言越得歲而



吳伐之杜預注此年歲在星紀吳越之分也天文家以星紀爲吳越分蓋出於此爾雅云星紀斗牽牛也漢書律歷志云星紀初斗十二度中牽牛初終於婺女七度費直周易分野謂星紀起斗十度終婺女五度蔡邕月令章句則起斗六度終婺女二度一行大衍術起斗九度終婺女四度耶律楚材術起斗四度三十六分六十六秒所說度分各不同要之言星紀則斗牛女皆諺之矣班氏志地理又分星紀爲二以吳地爲斗分野越地爲牽牛婺女分野而會稽屬於吳分會稽典錄引虞翻語則云會稽上應牽牛之宿與漢志似異今考西漢

之世會稽郡跨浙江東西之地而郡治在吳縣故  
上應南斗後漢分吳會稽爲二郡而會稽治山陰  
故上應牽牛然則浙西爲斗分浙東爲牛女分仲  
翔之言與漢志互相證明非有逕庭也乃班氏天  
文志又云孝景二年水火合於斗斗吳分也又爲  
越元鼎中熒惑守南斗南斗越分也則與地理志  
之文亦自相牴牾然斗牛同在星紀之次星紀爲  
吳越分而漢初會稽一郡兼有吳越之封域則以  
南斗占越亦未大失矣浙江舊通志謂古測寧波  
牛女分野今測寧波斗四度推尋其故蓋以今時  
冬至日躔在箕爲星紀之初度則牛女已移入元

枵不屬星紀故爲此遷就之說然冬至日躔歲有  
差移而十二次之位終古不易論分野者當以爾  
雅漢志爲正謂古今有異測者昧於歲差之故者  
也聞藥泉又引太乙刑煞所在推驗春秋吳越事  
尤支離不足信古法太歲與歲星相應如歲在星  
紀則太歲必在子歲在元枵則太歲必在丑歲星  
百四十四年而超一次則太歲亦超一辰東漢以  
後始去超辰不用今以吳伐越之歲爲在辛卯此  
後人追命之豈可據以斷吉凶乎

疆域

本縣屬寧波府附郭西北至省城四百八十里

浙江通志

自府治至京師四千六百四十里

皇輿表

東西六十五里南北五十七里

寶慶四明志 浙江通志云南北六十六里

東南距西北百二十五里西南距東北二百一十五里

志

東至縣界三十五里以陽堂鄉育王寺山隴東河頭鋪為

界自界首至定海縣今鎮海三十五里西至縣界三十里

以桃源鄉潘嶽嶺為界自界首至慈谿縣三十里南至

縣界五十一里曹志五十五里以鄞塘鄉傅霸河為界自

界首至奉化縣三十五里北至縣界一十五里以老界

鄉陳渡橋鋪曹志作磚橋鋪為界自界首至定海縣今鎮海五十里

東南到縣界九十里以豐樂鄉金莪山嶺為界自界首

至奉化縣六十里 西南到縣界一百七十四里 曹志百七十里

以通遠鄉梅山嶺為界自界首至紹興府餘姚縣百二十

里 東北到縣界四十一里以老界鄉褚浦堰 曹志作張家堰 為

界自界首至定海縣 今鎮海 三十五里 西北至縣界三十

五里以清道鄉西渡江心為界自界首至慈谿縣十五里

寶慶志

### 形勝

四明據會稽之東抱負滄海枕山臂江重阜峻嶺連亘數

千里 李璜學記

負瀛渤控扶桑倚巨鎮吞長江 九經堂記

海道輻湊之地南則閩廣東則倭人北控高麗商舶往來

物貨豐衍蛟門虎蹲天設之險

四明圖經

大江橫其前羣山拱其外島嶼出沒雲煙有無浪舶風帆

來自天際

潘良貴三江亭記

東漸巨海東南要會

王

密拱吳會隄控瀚海

王

控海據山為浙東門戶

方輿絕要

州治以奉化縣之金峩山為外案山而以城中之鎮明嶺

為內案山後坐慈溪縣之驃騎山山以張驃騎而得名蓋

後漢時人也

乾道圖經

聞性道地塔圖說奠郡城三江之口而為內鎮者有天封

塔傍天封而為輔過者其地南銳北豐層分角轉宛然亦

成塔狀因名地塔考未遷建邑與郡治之前此地先有天  
封塔旣安邑與郡治之後地塔因之益肖也自舊縣治前  
開明橋南上爲大道者可二里循道有河共趨於龍舌頭  
道則轉龍舌頭而達西道河則入日湖亦轉龍舌而達西  
河此爲塔東金繩之直界也有橋七日隱仙曰泰和曰洗  
馬曰新排曰福明曰天封曰甄此爲塔東金繩間之梯級  
也自龍舌頭緣西下北至千歲坊達於貫橋大道如東之  
數此爲塔西金繩之直界也有河亦循道而北漸折西南  
之平橋下以達於月湖其間又別爲支渠曲流至貫橋瀝  
於開明橋下通東河有橋七日捧花曰普照曰周家曰新  
曰搯蘭曰廣濟曰平皆跨正流上者也有三橋曰魚關

曰市心曰貫駕於支流互金繩道上者也此爲塔西之梯級也兩道交鎖之內有地九區橫界八道每道與東西兩道通此爲塔之七級及相輪寶頂也按宋寶慶志嘉定間兩湖丈尺圖暨元延祐至正兩志參考之由貫橋而東歷今鄞治前之外街爲古富榮坊而鄞治則乾符竹林二寺址也抵舊縣治前街卽開明坊此第一層橫道爲塔之寶座其間新舊縣治咸在焉其第二層橫道曰小梁街爲古阜財坊第三層橫道曰大梁街爲古廣惠坊有萬壽寺第四層橫道曰郁家巷又曰司巷蓋古有司戶廳也第五層橫道曰新街舊名新寺後巷古有坊曰進賢第六層橫道曰城隍廟前街古有佛寺四曰景福曰太平興國曰藥師



日經藏元以藥師寺爲帝師殿今城隍廟其遺址第七層  
橫道爲壽昌寺而塔之級盡矣其前第八層橫道爲紡絲  
巷所以界相輪者其上卽龍舌頭俗名三角地左右金繩  
交鎖處是爲塔之合尖覽勝者謂地成七級寓內所希也

志聞

全祖望四明山脈說四明二百八十峯各據一面而仗錫  
爲四明山心居中以運之以東七十峯言之正派爲鄞支  
派爲慈而鄞之派又分爲二其在江之西南者正派也其  
在江之東南者支派也大江橫貫其間是羣山之尾閭也  
西南之派又分爲二由仗錫抵它山者爲正派旁出抵大  
雷者爲支派而水道隨之以分它山之水導源自上虞之

斤嶺經小嶺上莊龔村爲一支其自上莊之南出分水嶺  
至蘆栖坑又爲一支其自分水嶺之南歷仗錫杜舉鄭巖  
又爲一支鄭巖之水東流與蘆栖坑之水合至大皎而龔  
村之水至小皎分流至鯨魚山前而合於是至蜜巖過樟  
村又爲一支自仗錫之南至天井一支出灌頂並至平水  
上下而合所謂大谿者也又東至於它山堰又東歷洞橋  
合響巖諸峯之水入桓谿爲前港未抵洞橋自鳳山旁流  
入仲夏合石臼諸峰之水爲後港二港之水會於沙渚又  
十里合鏡川戚浦諸流放乎櫟社直抵長春門瀦爲日月  
雙湖大雷山之水自鳳舉出一自林村出稍東經望春白  
鶴諸山下合兩道之水直抵望京門入月湖與它山之水

會它山之水盛則城外有行春烏金積瀆三碶以洩之江  
大雷之水盛則城外有保豐碶以洩之江東南之派亦分  
爲二太白山爲正派大梅爲支派而水道亦因之以分太  
白山之水自大函同谷玉几育王而下爲寶幢河由三溪  
而下會於東吳爲東吳河由黃瓦溪而下會於小白爲小  
白河皆至大函山下合寶幢河溯江東諸碶閘以入江而  
育王之背則爲鎮海三河所歷之山莫高於太白者大梅  
山之水會於橫溪七十二流注焉蓄爲東錢湖而溪水溯  
湖之諸堰亦自江東諸碶閘以入江其中萬山錯互而以  
金峩爲案其背則奉化之交其旁出者由大嵩游於海岸  
而止丹山圖詠不知太白諸山亦屬東七十二峯所有而

止收大梅所謂星一漏十者也此鄞城之形勢也

結埼亭集

### 風俗

會稽數郡川澤沃衍有海陸之饒珍異所聚故商賈並湊君子尚禮庸庶敦龐故風俗澄清而教化隆洽亦其風俗之所尚

隋書地理志

明州風俗與越州同

太平寰宇記

自昔神禹會計足跡於上苗而郡以句甬屬聖人過化之澤所從來遠矣既而無餘建服漸被聲教民皆勤於身儉於家力溝洫奉祭祀有禹之遺風焉逮勾踐滅吳力爭於上國而民遂感憤赴鬪無復豈弟之風漢唐以來方輿日闢而明介在土中薄秦晉之習而競美於齊魯君子尚禮

庸庶敦龐市鮮穿窬之姦野絕白晝之剽其俗一而不雜其人畏法而易治比之他郡亦其選乎

嘉靖志

寧波之俗農狎於野婦勤蠶織商賈鬻魚鹽工供日用絕無四方奇袤之物男子戴平定巾女子堆笄皆衣布素服卽高貲厚藏不被綺繡婚冠一從簡朴僅取成禮賓至則擷蔬炊糲以爲餉最其隆敬者乃有雞豕鱓魚率不過四簋或五六簋或七八簋而已女子不出戶出則男女別於途少者見長者卽肅肅長揖屏息道側鄰里不相侵竊外戶闔而不扃青衿之士亦皆甘於菲陋不羞韋葛昏旦閉戶誦讀絕鮮他營後進見先進於學宮則逶逶聽命呼之則唯而趨諸齋長則子弟視之以爲當然也比年以來漸

競文飾務雕鏤薄布素賓筵珍美至割衣食而婚嫁之具  
或移業產之半居喪集弔客極體薦肴蒸以爲盡志而導  
殯復裝束綺繡行以梨園歌舞參於哭泣遊屨富於擗踊  
其又甚則入無甌石之儲出衣華繡之服昔人所譏今乃  
快之矣少不遜長而輿蓋交於途親戚相暴鄰里相盜攻  
告訐以廷官府其士人亦有惡誦讀而甘佚遊恥惡衣而  
不恥枵腹至侮先生長者以爲無聞知回視昔日之質行

何如哉

嘉靖志

鄞之風散緩其俗迂闊而善妒廢興禍福不相爲也

嘉靖志

元日先夕灑掃室堂及庭五鼓而興設香燭男女禮服拜  
上下神祇陳果餌酒饌以祀其先序拜尊長男子則出拜

宗族親戚鄰里謂之賀歲家各具酒食以相延欸嘉靖志

立春前一日府縣官以綵仗迎春至日祭芒神試耕種各

家作春盤春餅飲春酒嘉靖志

正月上旬夜女子邀天仙或廁姑問吉凶嘉靖志

元宵十四夜各家以秫粉作圓子如豆大謂之燈圓享祖

先畢卽少長共食之取團圓意李志

元宵自十三日夜四街各設竹棚綵障懸燈於上祠廟皆

張燈遊觀達曙或以火藥爲錦樹之戲至十八日乃止李志

清明各家爲青餠黑飯牲醴祭墓封土插竹挂紙錢於顛

門壁皆插柳或簪於首嘉靖志

立夏以赤小豆和米煮立夏飯李志

四月八日浮屠浴佛嘉靖志

端午取菖蒲及艾插門戶或繫以綵勝佩於身雜菖蒲雄

黃和酒飲之以辟邪禳毒為角黍駱駝蹄糕祀其先親戚

各相饋遺嘉靖志

三伏寺廟皆設醮婦女走禮神佛新

七夕婦女陳瓜果乞巧嘉靖志

中元各家以牲醴羹飯祀其先緇黃之流誦經供佛謂之

蘭盆會嘉靖志

中秋士人家置酒翫月以月餅相饋嘉靖志

八月各鄉祠廟為會祀神以龍舟競渡謂之報賽與各處

端午競渡不同嘉靖志



重陽士人登高燕賞以茱萸泛酒飲之製牡丹糕方粽相

饋遺

嘉靖志

九月在城各坊祠廟與神像游行街市導以兵仗綵亭金

鼓雜劇各相競賽觀者塞路謂之社夥冬至各家具香燭

以禮神祇及先祖仕宦之家有以牲醴祀其先者

嘉靖志

臘月二十四日各家拂塵其夜祀竈

嘉靖志

歲除前數日各以牲羞果餌饋送親友謂之饋歲除夕各

具牲醴祀神謂之送歲以酒醴祀其先既而召親鄰或聚

家人飲食之謂之分歲長幼坐以待旦謂之守歲先期預

備品物為新歲之用罷市數日蒸米為糲新歲復爨而飯

之換桃符寫春帖易門神謂之從新燒爆竹燔蒼术辟瘟

丹謂之辟邪嘉靖志

端午之龍舟八月十五之中秋天下皆然惟四明則以十

六爲中秋以中秋競龍舟相傳史越王母夫人以十六日

生故易是日爲佳節遂以龍舟娛其親俗竟因之不改志

鄞俗清明祭墓以鼓樂前導祭品用鷺中秋有龍舟之戲

四時社會皆用龍燈此它郡所未有也新

鄉人祀土穀神處處有之吳中謂之土地四明則謂之境

主其所屬之戶謂之祠戶新

鄞俗信鬼神好創立祠廟有功德於民者建像祀之多赤

面如賀秘監闕相公皆然蓋以此爲敬憚云新

四明人齒音多不正而精照從牀心審諸母譌混尤甚如

呼招為焦張為將震為晉潮為譙全為傅陳為秦雪為濕

升為星少為小壽為就之類新

舟人搖櫓皆向右浙東操舟者多向左舟之大者曰划船

小者曰檝頭船新

一日三餐早曰天亮飯午曰晝過飯晚曰夜飯新

墮民謂之丐戶又名怯憐戶相傳為宋罪俘之遺故擯之

丐自言則云宋將焦光瓚部落以叛宋投金故被斥分置蘇松浙省雜處民間元人

名為怯憐戶明太祖定戶籍扁其門曰丐即有產禁充吏

員糧里長乘車馬令其自相配偶男子則捕蛙賣錫拗竹

燈檠鍛爐鐵編機扣塑土牛土偶正旦元宵執響器以鬧

人堂立春端午持土牛芒神以闖入室九月社夥會參神

送聖迎燈走馬立冬打鬼胡花帽鬼臉鐘鼓劇戲種種浴  
門需索其婦人則爲人家拗髮髻剃婦面毛習媒妁伴良  
家新娶婦梳髮爲鬚四民居業彼不得占四民所籍彼不  
得籍四民所常服彼亦不得服所以辱且別之者也墮民猥編  
丐戶婦人髻稍高耳不飾環出恒持繖并包裹一事雖途  
遇可別而識也新增

案鄞邑弊習有數端亟宜禁者一民居易遭祝融  
不逞之徒以災爲利或假託本家搬運或貌爲戚  
黨挾護有所胥篋邪許徑行擾攘之中呵察不能  
猝及尤可怪者雖一椽半枿從烈焰中爭曳以出  
愍不畏死也一泉貨輻輳之區變詐百出或奸商

潛蝕客貲陽爲耗歇或黠徒僞書質劑誑取市錢  
甚者室無半文以虛號立單輾轉相售計日可得  
重息謂之賣票受其欺者控訟不休一田疇中多  
無主廢冢歲久圯損無賴子輒冒作祖墓指稱侵  
削索詐不遂便鳴諸官迨勘訊得誣而田主已不  
勝株累矣一城中狹斜之巷最多閭里頗不爲怪  
率有顛名然按籍不勝逮治也婦女每靚妝行道  
而歲時結隊入寺廟禮拜或至流連信宿煽惑不  
止糜財而已此皆末流頽風有關治道雖不能驟  
革司土者所宜隨時禁戢焉

鄞縣志卷二

城池

鄞在漢為小縣至唐始建為郡郡城據三江之口  
面山背海劉牢之草創於前黃晟增築於後遂為  
沿海要地凡鄉里都高多因宋之舊名久而不易  
亦風俗淳厚之一端也城池之後先詳合邑大綱  
而街巷坊表市鎮橋梁津渡郵站以次羅列於是  
境內廣輪遠近之數亦了然在目矣

鄞附郭縣城即府城高二丈五尺址廣二丈二尺面一丈  
五尺周圍二千二百一十六丈延袤一十八里為門六東

曰靈橋

以東津淨橋得名

曰東渡南曰長春

舊名甬水

西曰望京

舊名朝京

北曰永豐東北曰和義舊名下卸又名鹽倉又穿二水門於長春望

京之側以通漕運外設吊橋門各有樓羅以月城城之上

有敵樓警鋪自永豐至靈橋有大濠環繞二千一百四十

四丈其餘濱大江不設曹志

案延祐志云鄞江門來安門漁浦門達信門今皆

廢考開慶四明續志所載祇有六門與今名略同

則鄞江諸門南宋時已廢矣乾道圖經延祐志俱

云城圍二千五百二十七丈成化志則云二千二

百十六丈較舊志縮三百餘丈

唐長慶元年刺史韓察移州治於鄞縣撤舊城而新之唐

末黃晟為州刺史增築延祐志

案寶慶志謂羅城黃晟所築長慶所移惟有子城  
袁清容辨之云按通鑑唐宣宗大中十三年十二  
月襄甫分寇浙東攻陷象山明州城門晝閉懿宗  
咸通元年甫分兵掠明州州民相與謀曰賊若入  
城妻子皆爲菹醢況貨財乎乃相率出財募壯士  
治器械爲固守之備黃晟沒於梁開平間距唐大  
中相去五十餘載豈有城未築而先有門之理若  
指子城而言其周環才四十餘丈豈足以閉門自  
保邪則長慶所移之城卽羅城是也據袁氏說羅  
城子城皆剏於長慶初至黃晟增拓之耳

宋初奉國軍節度使錢億修治元豐初知州事曾鞏奉詔



修城寶慶二年守胡渠因其圯剝重修開慶元年制使吳

潛勸望京鄭堰下卸三門城樓甬水靈橋東渡三門悉繕

治之更下卸曰和義鄭堰曰永豐望京曰朝京李志

曾鞏明州修城祭土神文州有帝命繕治城墉得日之良肅工始事斯人允賴惟爾土神尚其降休敢不以告

元初隳天下城池厥後民居侵蝕夷為坦途至正八年台

州方國珍為寇二十年浙東都元帥納麟哈刺以台密邇

慶元築城防不虞後國珍受招安之命據城開江浙分省

復加修治成化志

劉基新城記海寇再叛之明年浙東帥府治慶元慶元與台州鄰議治城以防不測乃命有司序民產高下以差其役輕重先豪右大姓沙門道士以及於齊民斥監督吏勿用先事者賞後至者則加勸勉無罰民大敬服時故城久廢室其址者數百家命悉徙處官地發廩粟以助不給凡六月而城成凡所設施罔不中度未幾而

江東江西諸郡皆以無城郭失守衆咸賴公之猷為莫不樂其佚而遺其勞請勒石頌公德基惟慶元為浙東大府六郡之幹也幹強則枝葉有所附則斯城之完不獨可為鄞人賀而六郡咸嘉賴焉

明洪武六年指揮李芳增葺嘉靖三十四年知府張正和

大加增葺郡人聞淵為記崇禎十年海道副使許豸重修

郡人陸世科為記

李志

聞淵記寧波古於越東鄙之地至秦為鄞邑越會稽郡沿兩漢吳晉六朝或為鄞為句章廢置不一及唐開元中始定為明州城隨作於長慶之際復改築於刺史黃公晟即今郡城其助也更五代歷宋寧宗時改為慶元府元政府為路而有墮城之制舊築始廢至大德間卒受寇禍後因黃巖方國珍倡亂民因奠居於是廢址復築即今郡城其故也迨國朝隆興改慶元路為明州府旋以同國號又改寧波府城益整增其式廓且預修葺之備歲徵其需而儲之府定以分界各隨其缺壞而補治之幸不大圯然日積月弊漸非金湯之舊矣邇來倭寇揚波海上且入內地破城邑焚民居勢甚猖獗民安承平不為備我遂寇於外惟憑城固守而城實不免渠

邱之惡難以防守時郡侯邱公珉甫至願務役不可緩  
 慮財用不敷爰集眾議欲勸士民以為助未及舉行而  
 巡按侍御胡公宗憲行部至郡閱城而歎曰陋哉斯城  
 何以禦寇而安民乎宜亟修之遂命出公帑以資其費  
 於是邱侯移文諸司咸得所請將戒事矣而以調衛州  
 去乃用衛守張侯正和來代即身任其繁既屬太守侯  
 君國治協董其事又分督以五邑之令各翊其下外邑  
 俱有職守來往不常惟鄆附郭而夏君儒朝夕從事勤  
 勞居多計城之周凡二千七百八十七丈中所修者千  
 一百八十一丈所造者斥堠六十有六敵樓四十有六  
 馬步階七巡海憲副孫公宏軾王公詢暨張侯復修築  
 西南二水門羅以子城總所費帑金七千五百五十七  
 兩有奇而役民戶之富者四百有奇經始於乙卯八月  
 廿五日迄工於丙辰五月二日蓋依道使民雖勞無怨  
 爭先効力如子趨父事百堵交作增卑廣狹整畝易窳  
 而不新之雉堞煥如樓櫓粲如壯偉嗟嗟巖巖包固中  
 堅外峭眾目改觀萬年保障於是乎在使嗣是者恒能  
 思患豫防時加修飭毋廢前人已成之績其遺澤及於  
 寧民也曷

有窮哉  
 陸世科記九重宵旰天保采薇之治勅內外諸臣復繼  
 固圖諸臣亦勉奉詔旨飭窳補裨而巡海使者許公則

先此豫庀鎮錦矣寧城之建修歷世已有明紀惟元至正間伯溫劉公之記最著而張司馬郡志弗載夫前事後師毋寧過存而秉筆鉅公闕文或自有微意與自嘉靖修城後迄今近百年矣公肩此巨役撫勞郵摺式歌且舞遺澤光琬瑛其瞻昭著蔡俾後守土者勤保障乘鉞者警苞桑功詔將來永垂弗諼寧非百世功耶役始崇正丁丑十月竣工戊寅五月

國朝順治十五年提督田雄科紳士富民重築雉堞廣拓高厚兩倍於舊又派修樓櫓敵臺及各門兵馬司宇康熙十三年提督李顯祖廣拓城上腰城重造窩鋪敵樓又於沿城外濠邊築備城李雍正六年奉

旨修葺各省郡縣城垣寧郡復大為繕修樓櫓雉堞煥然

一新曹乾隆三十一年知縣張又泰詳請修築城垣十九

段建樓六座

縣

鄉里

宋初縣凡十八鄉淳化元年分萬齡爲二鄉曰老界曰手界熙寧中割靈巖太邱海晏富都安期蓬萊六鄉隸定海昌國今惟十三鄉

武康鄉在府城下管小江里

東安鄉在府城下管白檀里

清道鄉在縣西管橫山里

萬齡老界鄉在縣東管赤城里

萬齡手界鄉在縣東南管赤城里

光同鄉在縣南管清林里

桃源鄉在縣西管石馬里

鄞塘鄉在縣南管姜山里

陽堂鄉在縣東管太白里

翔鳳鄉在縣南管滄門里

豐樂鄉在縣東南管石柱里

通遠鄉在縣西南管李洪里

句章鄉在縣南管夕陽里

寶慶志

萬齡老界鄉在縣東五里管都一都二都三都四都

陽堂鄉在縣東三十里管都七都八都九都

十都十一都

翔鳳鄉在縣東南四十里管都五十二都十三都十四都

十五都十六都

萬齡手界鄉在縣東南一十里管都六十七都十八都十九都二十都二十一都二十二都

豐樂鄉在縣東南四十五里管都四二十三都二十四都二十五都二十六都

鄞塘鄉在縣南二十五里管都六二十七都二十八都二十九都三十都三十一都三十二都

句章鄉在縣南五十里管都三鎮都三十三都三十四都通遠鄉在縣西南六十里管都五三十五都三十六都三十七都三十八都三十九都

光同鄉在縣西南二十里管都四十四都四十一都四十二都四十三都

桃源鄉在縣西三十里管都五四十四都四十五都四十六都四十七都四十八都

清道鄉在縣西三里管都五四十九都五十都五十一都五十二都鎮都

甬東隅在靈橋門外

城西隅在迎恩門外

湖田四十四隅四十五隅四十七隅四十九隅俱在桃源鄉

湖田五十隅在清道鄉

延祐志

案寶慶延祐二志所載鄉里都置有互可考證者今並列於前以下用聞志及縣冊分詳之



武康鄉小江里在縣治東總東南隅東北隅聞志

東南隅 一畝靈橋門迎春橋 二畝蓮花棚廟 三

畝古堇坊參議廟 四畝洗馬橋 五畝廣濟橋 六

畝天智堂 七畝家井巷君子營 八畝沙泥街學士

橋縣

東北隅 一畝貫橋頭千歲坊 二畝開明橋萬壽寺

三畝古堇坊大池頭 四畝二境廟縣

東安鄉白檀里在縣治西總西南隅西北隅聞志

西南隅 一畝醋務橋渡母橋 二畝青石橋 三畝

平橋頭 四畝迎鳳橋 五畝新橋頭郭家街 六畝

三角地 七畝倉基 八畝王家墩 九畝大廟前

十畝倉橋頭 十一畝寶雲寺巷 十二畝花果園廟

十三畝三板橋 十四畝虹橋頭 十五畝馬牙溝

十六畝胡橋頭鎮明嶺 十七畝莊祈巷 縣冊

西北隅 一畝天寧寺橋 二畝和利市橋 三畝察

院前 四畝府學前道後 五畝道後 六畝佑聖觀

西上橋 七畝縣西巷 八畝虹橋巷方家橋 九畝

施祥寺 縣冊

城西隅 一畝南門外 二畝柳亭巷 三畝大卿橋

四畝潮音堂 五畝乙未坊 六畝線牆街 七畝

柳莊坊 八畝高塘墩 九畝北門外 縣冊

甬東隅 一畝天后宮 二畝百丈街前 三畝七塔

寺 四畝百丈街底 五畝包家道頭 六畝太保廟

七畝包家道頭 八畝江北岸 九畝江北岸 十

畝江北岸 縣冊

老界鄉赤城里在縣東總一都二都三都四都 聞志

一都 一畝張斌橋下茅四里 二畝余隘五里 三

畝七里整十里 四畝朱桑十五里 五畝張隘十五

里

二都 一畝樸木廟四里 二畝王家街柳隘十里

三畝殷隘松樹下漕十五里 四畝橫涇新橋二十里

五畝橫涇河頭二十里 六畝殷隘十五里 七畝

高塘頭二十里 八畝葛家漕二十里

三都 一崙高錢河東三十里 二崙高錢河西下王  
三十里 三崙康家邱隘二十五里 四崙東下橋二  
十五里 五崙邱隘二十里 六崙邱隘二十里 七  
崙萬嶺三十里

四都 一崙化成巷邵家二十里 二崙新鹽場三十  
里 三崙上王三十里 四崙梅墟街三十里 五崙  
潭頭河梅墟街二十五里 六崙塗田張二十里 七  
崙新鹽場二十里 縣冊

陽堂鄉太白里在縣東總五都六都七都八都九都十都  
十一都 閩志

五都 一崙新橋二十五里 二崙鄧山橋三十里

六都 一畝滙緯橋三十里 二畝五鄉硤三十里

三畝東鄉下莊三十五里

七都 一畝寶幢小白河頭四十里 二畝明堂畧五

十里

八都 一畝趙家莊天童街六十里 二畝王下溪天

童寺七十里 三畝天童寺七十里

九都 一畝周家畧畫龍廟六十里 二畝東吳街四

十五里 三畝平姚四十五里

十都 一畝石山街三十五里 二畝前堰頭梅湖堰

三十五里 三畝綠野畧六十里 四畝下水河頭五

十五里

十一都 一畝大嵩所九十里 二畝蟾崎九十里

三畝大嵩所九十里 四畝大嵩所九十里

縣冊

翔鳳鄉滄門里在縣東南總十二都十三都十四都十五

都十六都

閩志

十二都 一畝鹽場足頭九十五里 二畝管山羅浦

一百里 三畝鄉溪九十里 四畝大鹽場九十五里

五畝蔡家墩一百里

十三都 一畝上周鼻童家鼻九十里 二畝塘頭街

施家橋八十里 三畝前王土嶺八十里 四畝管江

上陳七十里

十四都 一畝上水街七十里 二畝俞家塘鼻七十

里 三崙葉公山錢家山七十里 四崙北嶽七十里

十五都 一崙韓嶺五十里 二崙觀音莊三十里

三崙郭家池胡嶺頭四十里 四崙隱學嶺茶亭下五

十里

十六都 一崙前徐三十里 二崙方邊戈港岸三十

里 三崙應家灣三十里 四崙陶公山四十里 五

崙毛竹下許家嶽四十里 六崙大堰頭四十里 七

崙陶公山四十里

縣冊

手界鄉赤城里在縣東南總十七都十八都十九都二十

都二十一都二十二都

問志

十七都 一崙舒家岸五港三十里 二崙駝背橋張

村二十五里 三畝汪家宅跟二十里 四畝港六施  
家馬二十五里

十八都 一畝三橋大河北十五里 二畝陸村十五  
里 三畝下應二十里 四畝下應二十里

十九都 一畝潘火橋十里 二畝四港十五里 三  
畝白鶴橋五里

二十都 一畝周宿渡家橋五里 二畝慧燈寺十里  
三畝繆家堰頭十三里 四畝林下畝裏四堰嚴家漕  
十五里

二十一都 一畝三橋月浦二十五里 二畝陶港二  
十五里 三畝茅洋陶港二十五里 四畝定橋二十



五里 五亩姚家浦二十五里

二十二都 一亩王甲畧許家橋三十里 二亩石橋

張家花園二十五里

縣冊

豐樂鄉石柱里在縣東南總二十三都二十四都二十五

都二十六都

閩志

二十三都 一亩檉斜四十五里 二亩橫溪河頭孔

家潭四十五里

二十四都 一亩道陳鼻六十里 二亩上任下潘五

十五里 三亩大畧任家五十里

二十五都 一亩橫溪街山西四十五里 二亩田王

橫溪四十五里

二十六都 一畝橫山頭四十五里 二畝蔡郎橋四

十五里 三畝蔡家街四十五里 四畝俞家大四

五里 縣冊

鄞塘鄉姜山里在縣南總二十七都二十八都二十九都

三十都三十一都三十二都 聞志

二十七都 一畝新塘堰侯家四十里 二畝張王山

四十里 三畝任家橫施家橋三十里 四畝徐東大

四十里 五畝甲村四十五里 六畝甲村四十五里

七畝徐東大後小分四十五里 八畝方象岸陳監橋

三十五里 九畝陳家段張王三十里

二十八都 一畝王家井頭三十里 二畝陳婆渡二

十五里 三畝石路頭二十五里 四畝高塘頭三十里  
五畝前後周高塘橋三十里 六畝江口橋姜山  
二十五里 七畝姜山里青橋三十里 八畝姜山青  
牆街東三十里 九畝青牆街西三十里 十畝青龍  
橋藕池頭二十五里

二十九都 一畝景家岸陳托橋二十五里 二畝南  
林寺西樓二十里 三畝胡家墳楊家街二十里 四  
畝周家大四十里 五畝東樓孫家漕四十里 六畝  
東林寺跟三十五里

三十都 一畝荒田畝石柱頭二十五里 二畝棟樹  
碇周韓二十里 三畝銅盆浦十五里 四畝任家堰

李家橋二十五里 五崙翻石渡任家三十里 六崙舒周三十五里

三十一都 一崙陳家塾四十里 二崙紅葉四十里

三崙董家跳五十里 四崙沈風水四十五里

三十二都 一崙裏河烏藍三十五里 二崙徐家花

園四十五里 三崙茅山斗門橋四十五里 四崙走

馬塘四十五里

句章鄉夕陽里在縣南總三十三都三十四都

聞志

案聞志有鎮都列於三十三都之前今據田賦門字號次第列在五十一都之後

三十三都 一崙元貞橋四十五里 二崙潘家廟寶

峰莊四十五里 三畝張家塾四十五里 四畝馬湖

五十里 五畝吳山頭王家六十里

三十四都 一畝百梁橋宣家廂六十里 二畝後山

下百梁橋六十里 三畝懸慈鮑家坎六十里 四畝

莫坑七十里 五畝懸慈前堰頭六十里 縣冊

通遠鄉李洪里在縣西南總三十五都三十六都三十七

都三十八都三十九都 間志

三十五都 一畝許家橋鍾家潭六十里 二畝鄞江

橋六十里 三畝桓村七十里

三十六都 一畝後街七十里 二畝天井畧八十里

三畝錫山畧黃官嶺八十里

三十七都 一崙蜜巖八十里 二崙鄭家坂章村七

十七里 三崙章村街王家車頭八十五里

三十八都 一崙大蛟徐杜舉一百二十里 二崙仗

錫寺一百五十里 三崙小蛟長沙田一百二十里

三十九都 一崙後虞廂四十里 二崙前虞廂四十

里 三崙項家廂四十里 四崙后蛟街五十五里

五崙林家廂五十五里 六崙岳官漕排門頭五十里

七崙建舉大橋五十五里

縣冊

光同鄉清林里在縣西南總四十都四十一都四十二都

四十三都

鄞志

四十都 一崙芝山吳後五十里 二崙成仁橋王家

橋五十里 三崙仲夏五十里

四十一都 一崙黃張橋四十里 二崙闊樹下四十

里 三崙楊家隄三十五里

四十二都 一崙北渡車河廟三十里 二崙千丈鏡

塔連寺橋三十五里 三崙吳龔太平橋三十五里

四十三都 一崙牆頭王二十五里 二崙雅渡橋十

五里 三崙石碣十二里 四崙櫟社義門里二十里

縣冊

桃源鄉石馬里在縣西南總四十四都四十五都四十六

都四十七都四十八都

開志

四十四都 一崙戴家宅跟二十五里 二崙墳頭橋

後倉二十里 三畝秦橫頭十五里 四畝殷浦廟張

監橋十五里 五畝張家潭二十里 六畝布金寺二

十里 七畝吳家墳頭戚家二十里

四十五都 一畝沈祁滙三十里 二畝俞家宅跟三

十里 三畝黃公林廟三十里 四畝朱都堂青塾三

十里 五畝西洋港三十里 六畝黃公林張家峰三

十五里

四十六都 一畝蔣山三十五里 二畝西王三十五

里 三畝王皋市三十里 四畝橫街頭徐家廂三十

里

四十七都 一畝林村三十五里 二畝西山挑頭三



十五里

四十八都 一畝莊家溪半山里五十里 二畝大雷

汪五十里 三畝翁巖六十里 四畝溪下胡五十五

里 縣冊

清道鄉橫山里在縣西總四十九都五十都五十一都 聞志

四十九都 一畝岐山頭三十里 二畝西壩二十里

三畝高橋二十里 四畝高家街半路菴十五里

五畝下莊施十七里 六畝黃泥墻十七里

五十都 一畝新橋十里 二畝下林十里 三畝灣

頭七里 四畝望春橋五里 五畝灣頭七里 六畝

馮家漕五里 七畝新莊十里 八畝南洋十里 九

曷吳使君街四里

五十一都 一曷張家街長春巷十里 二曷看經寺

十里 三曷段塘八里 四曷方家廟大包橋十里

鎮都 一曷洞橋頭五十里 二曷沙港口王家橋四

十五里 三曷下水碓四十五里

縣冊

案宋時設清道鎮於縣西小溪鎮於句章鄉故二

鄉有鎮都之名

廣德湖田隅在縣西分隅五為四十四隅四十五隅四十

七隅四十九隅五十隅

開志

四十四隅 一曷七港口東西許十五里 二曷朱園

二十里 三曷楊家港二十里 四曷後屠橋祝家橋

二十里

四十五隅 一畝董家橋二十三里 二畝青塾二十

五里 三畝十字港二十里

四十七隅 一畝望春山前三十里 二畝寧國寺二

十五里

四十九隅 一畝紅蓮池三十里 二畝西陸三十里

三畝白鶴山三十里 四畝畫名洋華湖二十五里

五畝新廟跟楊家墩港二十五里 六畝三成廟十

七里

五十隅 一畝白龍王廟包家橋十里 二畝李家團

王千里十里 三畝龍舌賣麪橋十三里 四畝七港

口賣麪橋十三里

縣冊

案乾道圖經嘉靖志及聞志別有村莊一門然皆約略不全今以聞志鄉里各都為綱取縣冊各置村名分附之

街巷

鼓樓大街 東至東渡門西至西門南至南 開明橋街 北

乾 乾頭南 貫橋大街 北自府東至臨倉門南 永豐

至 三角地 三 法卿坊街 西抵開明橋

街 東山府前至一楊三卿 紫薇街 東橫街 自提

橋 千歲坊 西橫街 自臨務橋 湖橋 西橫

至 廣 三角地橫街 一自採蓮橋至日湖 南社壇橋

街 自尚書橋 南社壇橋 橫街 自建碑橋

至 月湖 街巷

西北橫街 自黃家墩至馬衙漕 西社壇南街 自菱池頭至虹橋 河利

橋北橫街 至西雙橋止 都憲橋西橫街 自西河營至西門 火筒

巷西北橫街 至東雙橋止

東南閣 波斯巷 開慶志載地有波斯閣 車橋南巷 王衙巷

東石板巷 蓮花棚西巷 車橋北巷 蓮花棚東巷

馬院巷 應穿藤巷 迎春巷 泥橋巷 一作霓 天

封塔後巷 壽昌寺巷 缸井巷 槐花樹巷 胡同

知巷 吉祥寺巷 王家巷 烏樓巷 紡絲巷 新

街巷 沙井巷 楊樹巷 井頭巷 忠信巷 皂角

巷 嘉賓館前巷 嘉賓館後巷 福明橋巷 沙泥

橋巷 白堦巷

東北隅 太保巷 牢城營巷 嘉靖志作牢食營誤 小梁街巷

大梁街巷 廿八營巷 馬衙巷 積善橋巷 琅琊

橋巷 東殿廟巷 板巷 魏家巷 回渡橋巷 史

家新巷 丁家巷 馬衙 大井巷 烏泥巷 皇封

橋巷 新河巷 後市巷 西河下巷 蕭家橋巷

如春棚巷

西南隅 寶奎廟巷 醋務橋巷 石灰埠巷 貫橋西

河下巷 東飯行巷 南飯行巷 竹行巷 在干歲坊 醋

坊巷 宋設官醋坊故名 章耆巷 握蘭橋巷 舊有握蘭坊故名 新

橋南河下巷 周家橋巷 蔣家帶巷 縣學前巷

王心忠巷 桂芳橋巷 皇親宮巷 南倉巷 周官

人巷 王家墩巷 簡要志作黃家墩 楊水橋巷 馬巷 尙

書橋巷 郁家巷 第八營巷 鑄冶坊巷 寶雲寺

巷 永寧巷 一名磬磖橋巷 府基巷 宋丞相史彌遠所居舊稱史相府 柴

巷 第九營巷 太平巷 和義巷 廣福寺巷 大

夫巷 九曲巷 後所營巷 青石橋巷 史府後新

巷 福聚巷巷 廣盈倉巷 聖功寺巷 五顯靈官

廟巷 大巷 錦里橋西巷

西北隅 天寧寺西河下巷 潭井巷 西社壇橋巷

應家巷 影泉巷 虹橋巷 頂花巷 蚩蟾巷 北

飯行巷 竹林巷 乾硯頭巷 線牆巷 白衣寺巷

石板巷 水浮橋巷 井泉坊巷 鷄兒巷 馬草

巷 朝桂芳巷 芳嘉橋巷 東上橋巷 西上橋巷

鬻河頭巷 西河營巷 祝都橋巷 火筒寨巷

城外東南 井頭巷 羅家巷 華嚴巷 養濟院巷

黃枝花巷 雙井巷 童家巷 林胡巷 鑄坊巷

河頭巷 打笏巷 王家墳頭巷 胡家巷 柳亭巷

漏澤園巷

城外西北 花橋巷 麥場巷 麻相公巷 荷花池巷

法王巷巷 崔家巷 以上  
聞志

坊表

宋

東南廂有進賢坊 洗馬橋西 興廉坊 洗馬橋下 重桂坊 壽昌巷口為  
嘉定甲戌進

坊表



士孫枝與清澗坊新橋握蘭坊新橋連桂坊施家巷口

子起子立東首錦勳坊城隍廟東康樂坊皂角巷口

丑進士蔣蔭立趙善湘立祥坊破石橋南積善坊小江橋南廸教坊車橋南餘慶坊西南狀元

坊天封塔下為嘉錦樂坊沙泥街為仁美坊新排北

坊新排通寧坊胡同知

東北廂有千歲坊南湖開明坊縣治前宣化坊魏家巷左富榮坊

魏家巷右萬壽坊大梁街阜財坊小梁街泰和坊元妙觀西拱星坊廊

巷安平坊元妙觀前施仁坊按察分司左肅清坊按察分司右

西南廂有純孝坊府橋袞繡坊平橋迎鳳坊平橋問俗坊

史府前惠政坊天寧寺前緩帶坊崇教寺前史君坊史府前衆樂坊均

橋西釋褐狀元坊均泰中宣繪立行春坊寶雲寺西靈應坊靈

廟 畫錦坊 靈應廟右慶歷中為王周立 符桂坊 南向書橋為慶元己未進士汪立中嘉定

甲戌進士 振名坊 倉橋北 順成坊 倉橋南 禮順坊 永濟竹湖坊南

坊 戒香 錦里坊 錦里橋北 傳桂坊 捧花橋南 阜豐坊 貫橋 儒行坊 鑿

西北廂有永濟坊 前 朝士坊 戴家巷口 阜豐坊 貫橋 儒行坊 鑿

南 狀元坊 府學前為淳熙中姚穎立 崇孝坊 南 朝桂坊 頂帶橋下

戊進士 宜秋坊 應家巷口 影泉坊 蔡家巷口 壽寧坊 虹橋北 修文坊

孝 仁德坊 衛前 信義坊 衛前 撫安坊 縣治左 德化坊 縣治

右 治本坊 貫橋 淳厚坊 阜豐坊西 鎮寧坊 望京門內 嘉祐坊 佑聖觀北 孝

閩坊 修文坊北 閱武坊 舊安遠驛後 獨善坊 縣東三里 省元坊 縣東寶

陳垣立 以 上延祐志

明

坊表

一七

東南隅有文憲坊為方誌立三法卿坊為居二卿坊為鄭復言

解元坊為楊文卿立繡衣坊為李正華立進士坊為吳仲賢立聯桂坊

為鄭阜義永進士坊為范潤立儒科世家坊為黃潤玉及子隆立進士

坊為金澤立桂林坊為楊實楊文卿楊叔通立禁廬雙直坊為趙浙趙濟立恩綸

累錫坊為丁開義丁仲繡立

東北隅有愛育坊在縣前內臺總憲坊為王應鵬立大司寇坊為屠

僑亞卿坊為李堂立都憲坊為李堂立奎文華國坊為袁煒等立忠諫

坊為楊言立

西南隅有龍翔虎躍坊為毛為光立會經元坊為李麟立宗伯學士

坊為張邦奇立文武承芳坊為張鏌張淮立延評坊為何遷立柱史坊為楊

美益紫微街坊為余洵立世美坊為余麟余洵立世恩坊為陳智立世

顯坊

為邵玉

晝錦傳芳坊

為樓氏一門科第立

科第傳芳坊

為李哲李

給都憲坊

為陳濂立世科坊

為薛稷立

兄弟尙書坊

為楊守陳守

三鳳坊

為范槐范

兄弟進士坊

為戴熬戴鯨

進士坊

立應奎

聯芳坊

為葉命治朝六傑坊

為閻淵

尙書橋坊

立瑜

承恩錦旋二坊

為陸瑜繡衣坊

為陸登瀛坊

聚奎坊

為楊守陳等

龍飛應選坊

為張拱鸞坡侍從坊

為余有

學士

尙書坊

為汪聯奎坊

為朱應元魁慶萃坊

為余有

天衢

鸚鵡坊

為謝存經略坊

名宦坊

俱為張武狀元坊

為

立斌

三壽坊

為沈熈沈仁泰階兩弼坊

為沈

海上六鰲

坊

為徐應四輔崇階坊

為余有丁之

尙書坊

為張時大

文宗坊

為楊美清朝寵命坊

為張時

庚戌進士坊

為項

立等瀛洲接武坊為姚之光等立天保鹿鳴坊為陳朝輔等立中天際

坊為錢靖忠等立東海八龍坊為趙昌期等立

西北隅有保傳坊為屠瀟立贊樞坊為屠借立進士坊為屠徑立三世進

士坊為金亮洪金樸立光前裕後二坊為金亮洪立繡衣坊為董琳立儒

林世家坊為董錫董立世恩坊為柴履立修文坊為胡傳等立都憲坊

為柴經立應宿坊為劉廷華等立文英坊為范德厚等立傳桂坊為俞得儒子澤立

彙征坊為包耀等立嘉會坊為蔡涑等立賓薦坊為劉廷儀等立五鳳和

鳴坊為張子瑄等立德聚坊為王金等立王子同升坊為楊子龍等立彩鳳

聯飛坊為趙昊等立甲午賓興坊為張謙等立彙薦坊為柴涑立等鳴

坊為楊核等立熙朝人瑞坊為百茂高立經綸名世坊為王鷹立

一榜三卿坊為周應賓王佐丁繼嗣立庚子登賢坊為孫大中立賢科立

選坊為陳起蘭臺世掌坊為林祖述九人名世坊為李

立元魁鼎甲坊為張應執法坊為林可百歲榮恩坊為張

子中百歲祖母沈氏振海蜚英坊為楊德大方岳坊為張

立即邦奇之母也清時華選坊為屠隆殿閣重綸

坊為沈一貫曾父子甲科坊為林祖述

東鄉有宮保坊為屠聯薦坊為包澤進士坊為包

為李循濟美坊為邱恭邱驄馬里坊為錢登庸坊為楊

義立為屠辛丑進士坊為董光好義坊為翰粟宣義

繡衣坊為屠名山洞府坊為余有

東南鄉有尙義坊為翰粟宣義忠襄坊為金

南鄉有進士坊為華內翰坊為沈應旌義坊為翰粟義雙

坊表

義坊

為輸粟義民

曲轅坊

為沈九

西南鄉有進士坊

為張時

世卿坊

為張緒張汁

重光坊

為戴

鍾裁浩載

四子登科坊

為戴鰲

集賢鄉坊

為楊守

江南

總憲坊

為朱瑄立

進士坊

為朱

登庸坊

為樓

進士坊

為樓

五

桂坊

為趙瑣

進士坊

為呂

鶚薦坊

為陳

解元坊

為鄭

西鄉有進士坊

為陳

天官上卿坊

為閻

進士坊

為孫

驄馬

坊

為王

都諫坊

為毛

五馬坊

為毛

進士坊

為章

恩榮坊

為章

都諫坊

為章

繼錦坊

為章

柱史坊

為章

乙酉元魁

坊

為陳邦

奕世崇階坊

為趙

乙未進士坊

為范

明

時奎聚坊

為馮若

明廷碩輔坊

為余有

盛世九臣坊

為

天敘

庚辰進士坊

為余

甲辰高第榜

為楊守

勤等立

西北鄉有柳莊坊為袁珙立

東北鄉有進士坊為盧瑀立以上聞志

市鎮

城中 大市縣治前東牌坊至西牌坊中市縣治東按察分司前後市縣治後魏家巷北西

至乾 大廟前市縣治南靈應廟前三角地頭市縣治南舊名龍舌頭紫薇

街市 貫橋市 西門內早市

東鄉 甬東市在靈橋門外浮橋之東寶幢市界六都小白市七都東吳

市界八都下水市十都盛店橋市三都

東南鄉 韓嶺市十五都橫溪市二十都陳婆渡市縣東南二十二里

莫枝堰市縣東南二十六里

南鄉 南郭市在長春門外櫟社市四都石硯市三都小溪市



都鎮

西南鄉

石塘市

界四十七都

林村市

界四十七都

鳳縣市

十字

港市

黃公林市

三市俱  
桃源鄉

西鄉

西郭市

在望京門外

望春橋市

縣西八里

賣麪橋市

縣西十里

高

橋市

俱聞志

清道鎮

按宋寶慶志歸在縣西朝京門即今望京門會別亭之東

小溪鎮

在縣南甸章鄉元立巡檢司於小溪俱聞志

袁橋

小豐置馬唐曰光溪鎮以監酒稅煙火得名治平元年罷酒稅以便民獨掌煙火凡言煙火職民訟水盜

年罷酒稅

以境交接大江貫其中翠溪畢會水清洽如明

鏡巖

宋紹興中北客多樂居之魏文節公結圃野與客

大梁張武子

為詩友其它如安儀同孫王向書相繼下

築而為是鎮者

于于養恬承接履為爭鬪絕庭下擒幼

歲舟至溪上猶能記髣髴也皇朝一海寓立巡檢司於是地而舊鎮久廢故家亦湮沒散仕者率苟循歲月處隘踵陋不復以崇嚴為事泰定元年白居易察罕不花佐是職與父老言曰司徵之所不在荒寂則在曠惡吾獨愛是溪有先賢之遺俗耕者販者前歌後休絕枹鼓之警罷干楸之選吾心固勤焉亦是土循謹之素願廣聽事以表茲溪咸曰然於是木踵以至甕效以來三月夏鬪工九月告成遠迎龍湫近接虹梁舉觴以落而懷牒巧訟者各屏息以避有合夫道德齊禮之義迺相與歌曰作之烝罔聞其聲養其高明心清以寧不與其官惟後來是承

### 橋梁

城內府東河源發府後池南入於平橋河上有三橋

府東橋

東達監街西抵府西橋

渡母橋

東達東渡門西抵行用庫橋

迎鳳橋

東

千歲坊西抵醋務橋

平橋河西入月湖東入日湖其支流二一東入市心橋下

北流為萬壽寺西之渠一東入漁欄橋下流為城隍廟後

小渠上有八橋

平橋

舊名四明橋後因橋西建平水之則因廣濟橋東

市心街西達

握蘭橋舊有握蘭坊故名西過廣福新橋

武進坊街

普照橋舊有普照尼寺故名東

東過城隍廟抵福明橋

普照橋達紡絲巷西過寶雲寺

抵鎮明

捧花橋南達延慶寺市心橋北達千歲坊漁欄

橋

北抵市心橋南達龍舌頭

府西河即古子城之西濠北流入東林巷前池南入於西

水關裏河上有三橋

四港橋

東達市龍司後街府西橋東抵府東橋行用庫

橋

東達渡母橋西遠河利橋

觀音寺前河西抵府城下渠東入府河上有二橋

東上橋

北抵孝開坊街  
南達頂戴橋

西上橋

北達北門南  
達河利橋巷

天寧寺西河北入觀音寺前河南入西水關裏河上有三

橋

河利橋

東達行用庫橋  
西達望京門

芳嘉橋

西抵河利橋巷  
東達西門街

水浮橋

東達西門街西  
抵西城軍營

頂戴橋河東入府西河西入天寧寺西河口上有一橋

頂戴橋

南達祝都橋巷  
北達東上橋

祝都橋河東入府西河西入天寧寺西河上有一橋

祝都橋

北達頂戴橋南  
達火筒營巷

西水關裏河東至石灰埠南入於月湖上有五橋

迎恩橋北抵大街南社壇橋北抵大街南虹橋北達虹

烏黯橋街南惠政橋北入天寧寺醋務橋舊名酒務東

達聚福巷巷達天寧寺橋明嘉靖問里人蔡恂捐資修

縣前河西至飯巷入府東河東過大池至圍橋南流為鹹

塘滙之渠上有十二橋

貫橋一名萬歲又名千歲北飯巷橋南達南飯巷蕭家

橋北抵縣前街黃封橋北抵縣前街回渡橋南

小巷北達開明橋北抵按察分司街南積善橋北抵大

魏家巷開明橋過龍舌頭抵捧花橋南營廿九餘慶橋北抵大街南做絮橋北達廊頭巷生

薑橋北達大街都稅院橋同生圍橋北抵大街南

天封塔西河南至王監橋入日湖北至隱仙橋入縣前河

上有八橋

王監橋 西即龍舌頭東 甄橋 西即龍舌頭東 天封橋 西

壽昌寺巷東 福明橋 西達新橋東 新排橋 西抵大街 洗

達沙泥街 泰和橋 東過冲虛觀達鹹 隱仙橋 東

馬橋 東達霓橋巷 大池頭西 抵大街

天封塔東河東至獅子橋入於岳廟西河西至大福橋南

入於日湖上有五橋

獅子橋 南達塔兒橋北 大橋 北達境清寺巷 戚家橋 南

直指巷街北 大福橋 北抵沙泥街南 長石橋 北入塔前

營 達忠信巷 達廣積南倉巷 路西達軍

岳廟西河南至明州橋入於日湖北抵鹹塘匯流為渠達

團橋其支入小江橋西流為渠達破石橋上有十橋

明州橋南抵南城北抵白龍王廟青龍橋東達軍營西抵官路鄞江橋東抵東城西達

沙泥街皂笏廟橋東抵東城西抵靈橋門小江橋北達鹹塘滙南霓橋北達搬柴巷破石橋水名破石河

抵車橋大街觀前街觀前街鞞鼓橋東達東渡門南鹹塘滙橋東抵東城

缸井巷北抵觀前街鞞鼓橋東達東渡門南鹹塘滙橋東抵東城

沖虛觀前街觀前街鞞鼓橋東達東渡門南鹹塘滙橋東抵東城

大廟前河東入於南水關裏直河西經鎮明嶺右至平橋水則左入月湖上有七橋

大廟橋東抵廟前街西入黃家墩尙書橋宋尙書汪大猷所居東抵大街西達黃家墩社

壇橋東達寶雲寺巷西達湖心寺韓家橋東抵大街西達湖橋東達縣

西達衆樂橋東抵武進坊後所營橋東達章香巷西入後所營

九曲巷橋東抵武進坊後所營橋東達章香巷西入後所營

府學前河東抵乾磳頭西流至貢院橋北入費河頭為渠

達白衣寺前上有二橋

鑿橋

西達賈橋北達和義門

貢院橋

東達監街西抵費河路

縣學後河東流合廣濟橋南入日湖西流過湖橋入於月

湖上有二橋

均奢橋

北達平橋南達鎮明嶺

傅家橋

南抵縣學後街北達廣濟橋大街

南水關裏直河南山水關北流合普照橋之水東入於日

湖上有三橋

桂芳橋

東達大街西達長春道院

倉橋

東抵大街西達鎮明嶺

受家廟橋

今名聚福

北抵蔣家帶巷南達捧花橋大街

南水關裏東河西入月湖北入日湖上有二橋



錦照橋

南出甬水門北大街

虹橋

南抵南城

口湖上有四橋

採蓮橋

東達塔兒橋路西抵大街

水月橋

東入延慶寺西抵虹橋路

行香橋

延慶寺後

塔兒橋

南有石塔南達明州橋北達獅子橋

月湖連交流上有十二橋

憧憧東橋

一名衆樂一名昇平又名湖東以今在四

憧憧西橋

一名澄清一名湖西二橋宋乾道間守祕閣張

司寇陸瑜建坊於西橋曰尚書橋東達湖心東橋舊湖

館驛橋西達聖功寺巷橫達湖西大街

湖心西橋舊湖心寺之西東達東錦里

東達鑄冶坊巷湖心西橋舊湖心寺之西東達東錦里

橋逾竹洲之西為宋學士趙彥逾宅又曰五馬街以彥

橋逾嘗與鄉郡也今俗呼莊衙漕橋者即其故址

錦

照橋

通竹洲以洲中舊有錦照堂故

問字橋花果園建

碑橋館驛橋虹橋廣盈倉之左倉基舊為能袞繡橋水

廟左側以宋史相彌遠有袞繡坊故名又名感聖橋者

以其地舊有保聖崇教二寺也又考縣北保豐碑老人

吳壽甫嘗建言廢在城袞繡橋之石重加修理則知袞

繡古蹟已廢無復昔時之傑制矣今呼水仙廟橋因其

在廟也青石橋東達袞繡橋街三版橋明工部尙書楊康

名曰錦里北抵福聚西達褚家灣簡公守隨居此更

卷路南抵永安倉巷

全祖望袞繡感聖觀音三橋互混辨袞繡橋一名緩帶

橋崇教寺南者是也今名水仙廟橋感聖橋一名虹橋

以在感聖寺南也觀音橋在今周觀察第以在觀音寺

南也其河已塞橋亦無存然掘地尙有河岸遺址可考

嘉定間圖豐尙書宅至觀音橋五十六丈八尺感聖橋

### 清瀾池上有一橋

清瀾橋跨於池上俗名府橋

南達平橋北達衛街

城外補陀寺前河在縣東萬齡老界鄉甬東隅東至高滙橋入寺東河西至江東礮闌入江其支流一入廨院橋一入會安橋各分爲渠灌田上有八橋

高滙橋

南達綵戲橋北達雷公橋

崇壽橋

南達華嚴巷北入補陀寺

米行橋

南抵大街

北抵澄波橋

舊名夾家南抵大街北抵河泊所街

陡門橋

同上江東礮闌橋

下臨鄞江南達演武場北達後塘街

會安橋

東達廨院橋西達東津浮橋

廨院橋

東達賣席

橋西達會安橋

補陀寺東河在縣東老界鄉二都南至嘉慶橋入謝婆港口河北入東塘大河其支一東流入界橋分爲三等都之港一西流入綵戲橋注之江一西流入雷公橋爲渠灌田上有六橋

嘉慶橋南面連木枝堰北面連演武場西賣席橋一名和安東連二虹橋

東達王家衛等處西界橋南達十九等都南綵戲橋南達白

西達補陀寺前街北達二等都北達高南雷公橋南達高北達張斌橋

東塘大河源出縣東太白諸山西流合東吳小白二河之

流經滙緯橋至張斌橋南入於補陀寺東河而注之江其

支一自賀山橋南入分流抵梅湖等堰一自盛店橋南入

分流抵高湫等堰一自張斌橋西流合大河橋之水而南

抵王家墳頭上有八橋

大河橋東達東官塘路西達後塘街北張斌橋北抵東官塘路南達雷公橋南七里塾

橋南達二都北達一都南福明橋同盛店橋南達三都北達四都南新橋同賀山

橋南達十都北達六都南滙緯橋南達大涵山橋北抵官塘路

東吳河源出三溪等溪北入會小白河入大涵山橋至滙

緯橋注於東塘大河上有五橋

三溪橋

南達大嵩官路北達小白嶺

府前橋

有宋相史嵩之舊府基南抵官路北達小白嶺

秋波橋

南達東吳市北抵官路

大涵山橋

西達甌窰東達小白橋

鄭家橋

抵

九星橋東達小白河路

小白河源出風下等溪西流合東吳河入大涵山橋至滙

緯橋注於東塘大河上有一橋

小白橋

南達秋波橋北達大涵山橋

謝婆港口河縣東萬齡手界鄉東至嘉慶橋入補陀寺東

河西流抵道士堰南至橫石橋抵木枝堰北流入白鶴橋

為渠合綵戲橋之水而西注之江上有八橋

港口橋東抵官塘路 宋昭橋西達十八都 橫石橋東抵官塘  
 路西達 搬火橋東達三都 四港橋東達三都 楊木  
 橫溪路東達三都 西 達十六都 西 達十五都 西  
 橋東達三都 西 八字橋東達十都 西 白鶻橋東達探巖  
 達十七都 都 達十六都 都 橋西達十

九都

橫溪河源出橫溪等溪北流至繆家橋入謝婆港河上有

八橋

太平橋東抵官塘路 黃山橋東抵官路 西達 顏橋東達  
 三都西達 胡墅橋東達十六都 西 張村橋東達十五都  
 二十五都 都 達二十二都 都 西 達二十一  
 都 錢家橋東抵官路 西 三橋東抵官路 西 繆家橋一名  
 東抵官塘路 西 達十八都 武陵

南塘大河卽甬水源出它山會惠明橋之流東經洞橋合

仲夏橋之水入甬水橋達於南水關其支一入眺江橋抵

北渡堰上有十九橋

長春橋 長春門外 甬水橋 寶慶志作夏家俗稱下駕南

新塘橋 甬水橋 沈店橋 東抵官路西 通津橋 尙書張雅

兒渡橋 舒氏九春女捨奩具建嘉靖三十八年 新豐橋

俗呼新橋北達墳 寶祐橋 俗名櫟社南抵官 顏橋 南抵

北達施 北渡橋 宋熙寧 眺江橋 東達櫟社 王張橋 一名

南達官路北 七鄉橋 通它山之水溉七鄉之田北達 王

達千丈鏡路 仲夏橋 東達千丈鏡西 洞橋 南達百

家橋 南抵官路北 惠明橋 東抵洞橋街 定山橋 許家橋 南達鄞江

山抵它 隆等 處 西達它山路 許家橋 北抵後

千丈鏡河源出建鼻等溪東流至崇福橋南入南塘大河  
其支一北流至周學士橋分入為渠上有三橋

千丈鏡橋

南達王張橋北達湖田

周學士橋

南達櫟社北達湖田

崇福橋

東達

櫟社西達施家岸

西塘河源出大雷山等溪東流至大卿橋入西水關其支

一北流經高橋抵西壩一自大卿橋東南流為崇法寺前

河上有七橋

大卿橋

南達鄧山書院橋北抵西關外大街

西成橋

望春橋

北俱抵官路南達新

莊湖田

新橋

北抵官路南達湖田

高橋

東達西關西

等處

至西壩西

湖泊橋

東達石塘硤西達林村市

崇法寺前河今名祖關上有三橋



鄧山書院橋北達大鄉橋火燒橋南達祖關北崇法橋

今名迎龍東達雨  
水橋西達張家街

新河宋制使丞相吳潛鑿南引西塘河水自新河橋入環海會寺而東出西塘橋合西濠河之流北至保豐硯而注

之江灌田數千頃上有三橋

新河橋東達西關新塘橋南達西關外大馬公橋東達

西達高橋  
山伯廟

鄧江自三江口溯至江源跨江有五橋

東津浮橋一名靈橋俗呼江橋東達東七鄉西入靈橋

史應彪創置凡十六舟互板其上長五十五丈闊一丈四尺初置東渡門外水駛不克成乃徙今地方經始時有虹暎其上因名橋曰靈現又曰靈建太和三年刺史李文儒僖昭間刺史黃晨重修宋開寶中節度使錢億

新之乾道中郡守張津慶元中守林大中嘉泰元年守  
 陳杞嘉定四年守程準六年提刑攝守程覃十年守趙  
 師岳寶慶三年守胡榘淳祐二年守陳埏皆因其壞而  
 重新焉元至元二十八年廉訪副使陳祥重置王應麟  
 有記至正二十年江浙省平章方谷珍再造置田立驛  
 籍夫守僧其法最善劉仁本為記迨其末年田與局俱  
 廢嗣後多僉富民修治而橋政滋害矣明洪武二十七  
 年郡人黃公廓建言增設船二隻僉民七十三戶守之  
 正統十四年守陸奇重造維以鐵組陸瑜撰記成化二  
 年守方達更置黃潤玉記焉嘉靖間邑令劉宗仁徐易  
 郡守張正和周希哲皆修之明季每損壞僉報富戶修  
 造工成獎以冠帶謂之江橋大戶府其役者苦之國  
 朝順治間知府楊之楫始詳請每里科銀二兩五年一  
 徵官為修造康熙二十六年遇颶船排飄散知府李煦  
 捐銀千餘兩重造船用大小排方厚板密釘左右設  
 欄插櫓枋皆擇巨木以筏纜絞縛互相聯絡兩旁統貫  
 鐵鍊復加筏纜中繫橋排旁示禁康熙三十年分巡  
 內外不許泊船衝擊勒石橋畔示禁康熙三十年分巡  
 道趙良璧因舊寧波衛地招民造屋每間輸稅一錢每  
 年收稅銀一十四兩零由縣徵解府庫為歲修之用康  
 熙四十四年橋西新漲沙塗一方居民具呈情願填築  
 蓋屋四間每年出地稅銀二十兩作歲需纜索之用嗣

後每歲修葺需費或二三百金不等除海關領款銀八  
十六兩六錢四分外餘於藩庫動支乾隆三十五年以  
司庫道無閒款令本縣自行籌辦知縣商皓議令填築  
甬江塗岸砌礮蓋屋凡一百三十四間半每間輸塗租  
一千四百文共錢一百八十八千三百文以濟橋工通  
詳批准自後歲修浮橋皆以關款塗租二項報銷其看  
守水夫十名每名給工食銀五兩篾纜  
銀一兩均係鄞縣於地丁項下支銷  
王應麟濟南陳公脩東津橋記四明自唐長慶初遷州  
治於鄞城東門之外瀕江民病涉刺史應彪始建浮橋  
有虹景見雲表即其地維舟隨潮汐上下故橋以靈名  
其長爲丈五十有五廣尋有六尺宋更名橋曰東津屢  
圯屢修郡乘備焉由長慶癸卯迄今四百六十有九載  
橋之名雖存舟漏木朽鐵繩斷竹索腐行人肩摩趨葦  
杭以濟迅駭浪瞬息淪爲魚糜莫或省夏濟南陳公  
祥咨諏民瘼聞之嗟戚慘怛若己納之溝更舊圖新以  
身帥之牧守掾屬叶力競助士庶風動不約而從飭材  
庀工治舟易木鼓鐵爲纜捷竹爲竿規制鞏壯民不知  
勞昔之畏塗今履康莊波臣受職罔有昏墊漕艘琛舶  
湊集城下夸麥初見仁人之利博哉公猶爲永久之慮  
擇民戶十有六家獨徭役科調隸局任橋事未敏而修  
費約工省不止一時之謀而貽無窮之利仁心遠矣邦

人新訢謂惠行政舉鄭子產有愧焉百世之澤也嘗讀  
易之中孚曰利涉大川乘木舟虛也蓋信發於中誠感  
於物上至誠以順於下下有孚以從其上惟悅而巽可  
以化邦可以濟險公之新斯橋也其得中孚之義乎造  
舟為梁岐周輦端富平成橋元凱垂績曰渭曰河非有  
江之險也江與海接至險不測風濤震蕩鯨奔蛟橫是  
以橋難立而易圯君子敬保受民命與利禦患推側際  
之心克施有政作事於始必將為法於後使繼者皆如  
始作之心朝夕思日堯月繕用惠我無疆意愛在民  
與江不竭若洛陽橋大書深刻孰日不宜殫誠其事俾  
後人勿壞

蜀仁本平章方公重建靈橋記略四明環郭皆水自刻  
源合七十二溪會於奉川又分而錯下其西南北流悉  
導治為河獨東匯鄞江以達於海者潮汝吐吞橫互其  
外郭故往來患涉焉按郡乘唐長慶中刺史應彪渡江  
廣以丈計之五十有五制十六舟舟連負板成橋橋具  
而虹貫現因名靈橋歷五代及宋屢圯屢建七八月間  
興濟作代濟以小船率皆區畫無法國朝至元間憲使  
陳祥更治之遂編戶獨徭俾專繕修久則姦起故臺者  
利其脫落終歲營造弗就輪役之氓病之至正二十年  
淮氣浸擾江浙省平章方公肅廷命統舟師分署鎮鄞

鄉父老水濟川獻言於邑丞麻公直曰縣官賦米得三百二十石配徭戶受作子本計造橋直籍而賦之歲而葺之事未就緒民罹供億日繁重力不逮今償米直願爲之計丞上其言於省省議難之遂檄郎中張啓原董治俾丞釐正官出緡錢九百定有奇購材石工倣台郡中津橋制每舟以二爲偶肩連櫛比合爲一扶中實以材凡爲舟一十有入共爲扶偶者九鐵繩貫串經組岸濟葺纜相維棧捷江底仍籍丁夫二十一一人相之於是往來者履康衢矣既而計餘緡作二航以濟浣花渡之涉罄餘錢買田一百五十畝城之士民率助者倍其買數又規橋側靈濟廢寺畝一百六十有奇并其基址易構爲橋局公屏中建廳事四楹旁列倉庾八楹後爲講堂六楹舉其香燈命僧居之公爲檢籍歲收子粒俟共囊鑰專理橋務民弗再勞官無苟出既落成有泉驢然相與來告用

書以勸後來者

陸瑜浮光陸公脩橋記略正統元年陸公奇知寧波下車之初恤民疾苦計修東津靈橋之費不可猝就於是捐祿入積鏹餘同寅相謀於去年冬命耆民經治伐大石梁橋首各樹石柱二造排梭十有一遣人於錢塘木爲舟二十價廉工省數月事集每岸維一棧扶一舟餘如故制爲九扶偶肩聯櫛比中實巨枋篋纜相維可

於深淵旁如欄楯夾首鐵紐組石柱鈞園中箱備開  
合蟬聯虹跨隨潮汐上下規制羣壯徒馭安行又作不  
亭三楹爲守夫過容寒暑風雨之庇以舊廢舟楫價構  
養濟院房五十七間舉一成二民不用勞其惠下之仁  
溥矣

黃潤玉莆田方公重脩浮梁記略成化改元之明年大  
理方公來守吾邦百廢具舉迺樽節冗費盡撤東津浮  
梁腐材重以杉木造二十舟舟塗舟首墜漫舟腹方之  
而橋以編梭箱以互開乃聯之貫鐵纜於東西岸之石  
板復築甬石肘岸旁並岸之棧施轉軸貫肘隨潮汐縱  
縮軒輕之卜吉將比梁郡父老合言於郵縣尹劉侯昇  
願紀成績以詔後人余謂東津之東衛司演武場所在  
浮梁實據一郡要衝凡沿海九衛所守隘十巡司課鹽  
三十一場分治七鄉齊民數萬餘家不惟往來人馬輻  
輳梭緯而郵遞聲息下上文檄晝夜不絕鎮帥所部演  
武卒伍察暑不停是誠一日不可廢浮梁也方舟一被  
湖風衝激解去心須扁舟橫流渡之人畜雜逐常罹覆  
溺之患今公斯舉規制宏大木材堅貞出於前人計慮  
之表俾守津者省繁擾之費渡津者寬覆溺之憂此見  
公不忍人之心行不忍人之政也公名達  
字景由世家閩之莆田登甲戌進士第

案江北建設海關故浮橋今名爲關橋據一郡衝  
要七鄉齊民所經行近接演武場人馬絡繹馳驟  
復有市舶往來郵遞上下恒晝夜喧阗不息所賴  
利濟匪小也且墊船經鹹水浸刷易於朽壞而風  
潮不常遇颶飄散又自泊船之禁漸弛擊撞碎損  
往往出於意外故歲或一修或再修未可知也橫  
亘數十丈宵行或恐失足乾隆十三年邑諸生張  
宗瀚等醵金置產植竿植畔徹夜燃燈以便行人  
名曰長庚會亦善政之助也因附識於此以期久  
而弗廢

元貞橋

南達奉化縣  
境北達小溪

百梁橋

南達甘嶺  
北達小溪

鄞江橋

南達木  
北達

許家橋 陳婆渡橋 南達姜山 北達小溪

顏公渠自桃花渡東北亘鎮海縣西市凡六十里宋淳祐間制守顏頤仲浚復故河民頌德刻石曰顏公渠渠上坐

鄞界者有四橋

孟陽橋 敬思橋 引仙橋 甄橋 有鋪通定海縣界 以上俱聞志

明李堂贊顏公頤仲龍溪挺生淳祐宋季守我四明崇賢興學惠洽政平顧瞻東渡水利究情開渠著姓郡乘可徵燕詞述贊匪云勒銘鄞江東北定海壤通田境地尚早曠可憫袖手曷措待橋奚庸公重民食謂食資農缺畝之賴河渠是供苟虧灌溉孰知稔豐維六十里經度周旋乃施濬治乃濬雨泉橋梁以濟碶閘以宜五丈之漕倍尋之淵胼胝彈力車耳回天侵占者復專霸者後編懷東管浸有錢湖西鄉蓄水它堰為沽公渠在北鼎成可棋桃花古渡白沙沃塗悠悠誰嗣石刻永孤視我韻語庶激懦夫

吳公塘自望京門以西由水仙廟望春橋至高橋西渡吳



潘判府日命將佐措置修砌共三千六百六十丈鄉人榜

曰吳公塘開慶志上有二十二橋嘉靖志

### 津渡

東渡卽桃花渡城東門外往定海今鎮昌國路寶慶志

是說之思四明所居詩今朝旅恨到何處軒窗直到桃花渡桃花渡上風吹雨道人芒屨誰來去

案嘉靖志分桃花渡與東渡爲二蓋後來別置渡

於下番灘村人亦以東渡名之耳東沙乃訾舊志

爲誤非矣

北渡甬水門南二十五里往奉化路蓋奉化有南渡故以

此爲北也寶慶志

許渾曉發鄞江北渡詩南北信多岐人生半別離地窮山盡處江汛水空時露曉蒹葭重霜晴橋柳垂無勞促

塔橋千里

有心期

西渡望京門西二十里往慈谿路寶慶志

陳著入京到西渡詩昨宵北渡今西渡係是離家第二宵詩伴風流勤犯驛權郎醉飽健迎潮丈亭浦近鄰州

接筆架峯迷故里遙得意歸來期可數橋花如火照高標

舟宿渡縣南三里寶慶志名周蘇渡嘉靖志今名周宿渡乾

隆十九年里人姚浩等勸立義渡置田三十餘畝以為渡

夫工食及修船之費縣冊

宋鑿周宿渡義田碑記周宿渡者在鄞江之下游前距

兩東浮橋尚數里聖朝漸被日遠生齒日繁至此間

渡者日益衆每有不克濟之患附近庠生姚浩與邑民

謝國安史義烈章存誠至衆樂施創為義渡凡船隻器

具人夫工食亦既計周備預猶恐不能永承又為置田

三十餘畝設立首事俾修葺有資給用無替俾歷靡窮

來請子記子惟鄞邑之渡多矣西渡北渡桃花渡咸有渡夫歲額外此大率計渡歛錢守土者祇緣江海之交

非杜梁所能支循任而已倘使盡為茲之設詎不堪補  
王政所不及哉該士民等實足風矣喜而為之記并敘  
款條田畝於左  
使後有考焉

銅盆浦渡縣南十五里

嘉靖志

番石渡縣南二十五里明正統七年建茶亭於渡之南

嘉靖

志一名翻石渡明時里人任國祿等捐金造渡船

國朝康熙間里人蠲田若干畝以歲入供義渡之用

縣志

錢維喬翻石渡禁私運渡船碑記周禮歲十一月徒杠  
成十二月與梁成唐制大津無梁皆給船人因其大小  
難易以定其差蓋繕治川塗通達行旅亦王政一端也  
鄧之南鄉二十餘里有翻石渡江流孔道溼它山刻溪  
諸水勢湍急過者苦之前明時里人任國祿等捐金造  
舟顛邑令江公復三里夫役以資濟渡國朝康熙間  
鄧奉兩邑民復蠲田若干畝以歲入為操舟費法至善  
也此年來附近居民往往載運器物遠歸其舟久假不  
返行客延佇轉多匏葉之嘆予以勾當公事過之任之  
後嗣及滌江父老請以片言申其禁嗟乎天下之良法

美意浸尋及後人以公便私徒為病藪者多矣獨一渡乎哉爰誌顛末勒之石如有需敗公田及拏舟運其已物反以病涉者許令指名來告量加郵罰有差後之守土者以為例乾隆四十九年八月記

李家渡縣西南四十里

嘉靖志

新渡縣西二十里

嘉靖志

俞公渡縣西南三十五里

嘉靖志

李溪渡東至鄞十里西北去慈谿四十里

嘉靖志

李溪南屬

鄞地北為慈谿境乾隆十五年居民陳天一等捐田置有

義渡

縣冊

青林渡縣北十五里

縣冊

邵家渡縣北二十五里

縣冊

案桃花渡西渡北渡俱官渡每處額設渡夫一名

官給工食餘俱義渡

郵站

四明驛在府治西南元徙建於月湖以宋涵虛館改為驛  
 設水馬站分南北二館中通橋路洪武初罷馬站設水站  
 定今名嘉靖志額設驛丞一員康熙三十九年裁甬東巡檢  
 缺以驛丞兼之今驛在甬東歸府管轄

府前總舖

郡西南謙樓前西遞新塘舖南遞新舖東遞城東舖

新塘舖

縣西五里夾塘舖縣西一里景安舖縣西二十五里又十里至慈谿縣西渡舖

新舖

縣南五里洞橋舖縣南一里新橋舖縣南二十五里顏橋舖縣南三十五里又十里至奉化縣常舖

縣南三十五里又十里至奉化縣常舖

城東舖

靈橋門外東北遞磚橋舖東遞福明舖磚橋舖縣東北一十里舊名花舖又十里至鎮

海縣孔福明舖縣東一里盛店舖縣東二里滙緯舖縣東三里

浦舖縣東四里王舖縣東五里至鎮海縣幸縣舖縣東六里大涵舖縣東七里

逸大涵舖縣東八里王舖縣東九里鄧家舖縣東十里大嵩舖縣東十一里

溪舖縣東十二里畫龍舖縣東十三里鄧家舖縣東十四里大嵩舖縣東十五里

里廟墩舖縣東九里火扒舖縣東一百里孤嶺舖縣東一百一十里

縣慈縣舖  
衝要十舖設舖兵四十名府前舖五名新塘舖夾塘舖景

安舖顏橋舖洞橋舖磚橋舖新橋舖城東舖俱四名新舖

三名即大嵩舖

偏僻一十二舖設舖兵二十五名大嵩舖三名福明舖盛

店舖育王舖滙緯舖畫龍舖大涵舖三溪舖鄧家舖火扒

舖廟墩舖孤嶺舖俱二名以上俱縣冊

案寶慶志載宋時驛舖西路曰城西舖景安舖南路曰櫟社舖北路曰桃花舖延祐志載元時本路錄事司置在城急遞舖鄞縣置夾塘景安洞橋新橋顏橋五舖

郵亭在望京門外城西五畝前爲門屋三間後廳事三間乾隆四十六年六月以大風湖廳圯知縣錢維喬重建顏曰甬江津逮縣冊

案聞志載鄞邑有駐節亭三一在城南一在城東有額曰坐一在城西名曰來有廳三間及露臺月閱漸生

亭左右廊後有樓名曰皆蓋因舊時迎恩樓傾圮

嘉靖間郡守沈愷修之如前制也觀愷之自記云

去郡治西里許瀨河爲館爲往來駐節之次今郵亭當卽其故址其東南兩亭則久廢無可考矣



鄞縣志卷二終